

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ
P.O.Box: 8157, Salmiyeh -22052 Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ԺԲ. ՏԱՐԻ, ԹԻՒ 552, ՈՒՐԲԱԹ, 31 ՅՈՒԼԻՍ 2020

ՀԱՄԱՅՆՔԱՅԻՆ

ՅԱՏՈՒԿ ՀՈԳԵՀԱՆԳԻՍՏ ԼԻԶՊՈՆԻ ՀԻՆԳ ՆԱՀԱՏԱԿՆԵՐՈՒՆ ՅԻՇԱՏԱԿԻՆ

Ուրբաթ, 24 Յուլիս 2020-ին, Քուէյթի Սրբոց Վարդանանց եկեղեցւոյ մէջ, յաւարտ Ս. Եւանմահ պատարագի, տեղի ունեցաւ հոգեհանգստեան արարողութիւն՝ ի յիշատակ Լիզպոնի Գործունէութեան Հինգ նահատակներուն 37-րդ տարելիցին:

Պատարագը մատուցեց եւ հայրական իր սրտի խօսքը փոխանցեց Տ. Արտակ Քինյ. Քէհեաեանը: Ստորեւ կը ներկայացնենք խօսքը ամբողջութեամբ.-



«Միրելի Հայորդիներ,

Այսօր, 1983-ի Յուլիս 27 թուականէն երեսունեօթը տարիներ ետք, Լիզպոնի հինգ հերոսներուն յիշատակը աւելի կը շեշտուի, անխափան շարունակելու համար հայ ժողովուրդի կեանքի պայքարը:

Տասնամեակներ շարունակ մեծ, միջակ եւ փոքր պետութիւններ փորձեցին թաղել իրաւագրկուածի մեր հաւաքական յիշողութիւնը եւ պարտադրեցին հաշտուիլ

«ԱԶԳԱՐԱՐ» ՏԵՂԵԿԱՏՈՒ ԱՌԱՋՆՈՐԴԱՐԱՆԻ ԲՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

կատարուած իրողութեան հետ, տարբեր միջոցներով եւ տարբեր տարողութեամբ հակադարձութիւնը հարկադրանք էր մեր պահանջատիրութեան համար:

Այդ նոյն պետութիւնները լուռ մնացին եւ լռութիւն պահեցին մեր ժողովուրդի ցեղասպանութեան ու մեր հայրենի հողերու մեծ մասի բռնագրաւման անարդար փաստին առջեւ: Մեր պահանջատէր երիտասարդութեան կը պարտադրուէր ծանր լռութեան այդ պատը քանդել ուժական պայքարով:

Լիզպոնի հինգ նահատակներուն վիճակուած էր լռութեան այդ արգելակող պատեանը ճեղքելու առաքելութիւնը: Իրենց վստահուած էր Հայ Դատի թղթածրարը վերաբանալու գործը: Եւ անոնք կատարեցին իրենց յանձնառու-թիւնը անշեղօրէն ու գիտակից կերպով: Կատարեցին հաւատքով ու կեանքի զոհաբերութեամբ, որպէսզի իրաւագրկման դէմ հայուն յանդգնութիւնը շարունակուի ու ընդարձակուի, նորահաս սերունդներուն ջամբելով հայուն մարտունակութեան ոգին:

Այսպէս էր Արցախեան ազատագրական պայքարի ամբողջ շրջանին եւ ապրիլեան օրերուն, երբ Վաչէին, Միմոնին, Արային, Սեդրակին եւ Սազոյին հասակակից ազատամարտիկներու կամքով եւ մեր պաշտպանական արի զինուորներու դիմադրականութեամբ պաշտպանեցինք ու պահպանեցինք մեր հայրենական տարածքները:

Այսպէս էին նաեւ այս ամսուան կիսուն՝ Տաւուշի մարզին մէջ Ազերի զինուորներու գրոհներուն դէմ դնող ազատամարտիկները: նահատակ հերոսներուն, Սօսի, Կարուշի, Կրիշայի, Սմբատի ու Արթուրի հայրենասէր ու մարտունակ ոգին կու գայ անցեալէն ու տակաւին պիտի շարունակէ ներշնչել հայ ժողովուրդի քաջարի զաւակներու սերունդները:

Լիզպոնի գործողութեան հինգ ընկերները, օղակ մըն են հայուն մարտունակութեան եւ յեղափոխական աւանդներու շղթային: Այդ շղթան անբակտելի կը մնայ Խանասորէն Լիզպոն եւ Արցախ, նաեւ աւելի անդին»:



ԱՌՑԱՆՑ ՀԱՆԴԻՊՈՒՄ

Երկուշաբթի, 27 Յուլիս 2020ին, նախաձեռնութեամբ եւ մասնակցութեամբ՝ ՀԱՅԿԱՇԽԱՐՀ մանկապատանեկան արեւմտահայերէն կայքի պատասխանատու՝ Տիկին Նայիրի Մկրտչեանի, առցանց հանդիպում մը տեղի ունեցաւ Հայաստանի «Յակոբ Օշական» դպրոցի եւ Քուէթի Ազգային Վարժարանի Տնօրէնութեանց եւ Հայերէնաւանդ ուսուցիչներուն միջեւ:



Հանդիպման ընթացքին արծարծուեցաւ համագործակցութեան թեման, որու ծիրէն ներս երկու դպրոցները յետագային պիտի գործադրեն ծրագիրներ, աշակերտութեան ուսումնակրթական զարգացումը եւ սփիւռք-հայրենիք կապերն ու մէկ ազգ ըլլալու գիտակցութիւնը ամրապնդելու նպատակով:

Այս գործունէութիւնը կը վայելէր բարձր հովանաւորութիւնը ՀՀ Նախագահի Տիկին՝ Տիկին Նունէ Սարգիսեանի, որ այս առիթով փոխանցած էր հետեւեալ ուղերձը.-

«Ողջունում եմ երկու դպրոցների միջեւ ստեղծուած բարեկամութիւնը: Ուրախ եմ, որ այդ բարեկամութեան հիմքում մեր առաջարկած «Գրչի ընկեր» նախաձեռնութիւնն է:

Համոզուած եմ, որ այն եւս մէկ կամուրջ է դառնալու Հայաստան-Սփիւռք կապի ամրապնդման համար:

Ուրախ եմ, որ այդ կապի շնորհիւ մենք եւս մէկ անգամ հաւաստում ենք, որ մենք մէկ ազգ ենք, ունենք մէկ հաւատ ու մէկ լեզու՝ արեւմտահայերէնի ու արեւելահայերէնի միասնականութեամբ:

«Հայկաշխարհ» մանկապատանեկան կայքը՝ ի դէմս Նայիրի Մկրտչեանի, կատարում է շնորհակալ գործ՝ իրար կապելու Քուէթի հայ ազգային վարժարանի եւ Երեւանի Հակոբ Օշականի անուան դպրոցի սաներին:

Ես գնահատում եմ նրա կարեւոր դերը, որի շնորհիւ մեր աշխարհասփիւռ ժողովրդի պատանի զաւակները, որպէս «Գրչի ընկեր» նախաձեռնութեան մասնակիցներ, կարողանալու են աւելի շատ շփուել՝ իրենց սրտի եւ հոգու խօսքն ուղղելով նամակների միջոցով: Յոյսով եմ, որ մի օր նրանք հանդիպելու են միմեանց, եւ նրանց նամակները վերածուելու են կենդանի շփումների»:

ՆՈՒՆԷ ՍԱՐԳԻՍԵԱՆ

ՀԱՅԿԱԿԱՆ

Նախարար Զոհրաբ Մնացականեան «Ճերուզալեմ Փոսթ»-ին. «Ազրայէյճանին Զէնքի Վաճառքը Մահացու Է»

Հայաստանի արտաքին գործոց նախարար Զոհրաբ Մնացականեան ըսած է, որ Ազրայէյճանին վաճառուած իսրայէլական զէնքը կ'օգտագործուի հայկական քաղաքացիական ենթակառուցուածքները թիրախաւորելու համար, եւ Իսրայէլը պէտք է անյապաղ դադրեցնէ այդ երկրին զէնք վաճառելը:



Իսրայէլական «Ճերուզալեմ փոսթ»-ին տուած հարցազրոյցի մը ընթացքին, որ հրապարակուած է 29 Յուլիսին, Հայաստանի արտաքին գործոց նախարարը նկատել տուած է, որ Իսրայէլի կողմէ Ազրայէյճանին զէնք մատակարարելը կը շարունակէ մնալ չլուծուած խնդիր երկու երկիրներուն միջեւ:

«Ազրայէյճանին զէնքի վաճառքը ճակատագրական է, քանի որ Ազրայէյճան երբեք չի յապաղիր այդ զէնքը օգտագործելու քաղաքացիական ենթակառուցուածքներու եւ բնակչութեան դէմ: Մենք հետեւողականօրէն պիտի զբաղինք այս խնդրով, ան միշտ մեր օրակարգի բաղկացուցիչ մասը պիտի ըլլայ՝ ինչպէս երկկողմանի, այնպէս ալ բազմակողմանի հարթակներու վրայ: Իսրայէլ պէտք է դադրեցնէ Ազրայէյճանի հետ այս մահաբեր գործը», ըսած է Մնացականեան:

Պատասխանելով Հայաստանի կողմէ յաջողութեամբ խոցուած իսրայէլական արտադրութեան անօդայնո թռչող սարքերու մասին հարցումին՝ ան ըսած է, որ Հայաստան գործած է ընդդէմ Ազրայէյճանին՝ հաշուի չառնելով, թէ ուրկէ՛ են այդ զէնքերը:

«Մեզի համար անոնք մահաբեր են, քանի որ կը սպաննեն մեր բնակչութիւնը: Մեր զինուած ուժերը չէզոքացուցած են ազրայէյճանական զէնքերը՝ անկախ անոր ծագումէն: Ազրայէյճանի ստացած զէնքի եւ այդ զէնքը Հայաստանի ու Լեռնային Ղարաբաղի քաղաքացիական ենթակառուցուածքներուն, բնակչութեան դէմ կիրարկելու վերաբերեալ բազմաթիւ փաստեր կան, եւ Յուլիսեան իրադարձութիւնները եւս լրացուցիչ ապացոյց են», ըսած է նախարարը:

Պաշտպանութեան Նախարար Դաւիթ Տօնոյեան Հանդիպումներ Ունեցած Է Հայաստանի Մէջ Իրանի Եւ Ֆրանսայի Դեսպաններուն Հետ

**Հայաստանի Մէջ Իրանի Դեսպանին Հետ
Քննարկուած Են Թուրք-Ազրայէյճանական
Միացեալ Զօրավարժութիւնները**

Հայաստանի պաշտպանության նախարար Դաիթ Տոնոյեանը 29 Յուլիսին ընդունած է Հայաստանի մեջ Իրանի նորանշանակ դեսպան Ապպաս Պատախյան Զոհուրին: Հանդիպումին մասնակցած է նաև Հայաստանի մեջ Իրանի դեսպանության զինուորական կցորդ, գնդապետ Մեհտի Ուեճտանին: Այս մասին «Երկիր»-ին կը յայտնեն Հայաստանի պաշտպանության նախարարության տեղեկատվության եւ հասարակության հետ կապերու վարչութենէն:



Անդրադարձ կատարուած է Հայաստանի հիւսիսարեւելեան հատուածին մեջ վերջին օրերուն տեղի ունեցած գործողութիւններու ընթացքին մեծ քանակութեամբ արդիական անօդաչու թռչող սարքերու կիրարկման փաստին եւ անոնց դէմ պայքարի արդիւնաւէտութեան:

Նկատի ունենալով շրջանային անվտանգութեան խնդիրները՝ զրուցակիցները կարծիքներ փոխանակած են թուրք-ազրպէյճանական միացեալ զորավարժութիւններու բնոյթին վերաբերեալ, գնահատած են անոնց հաւանական ազդեցութիւնը շրջանին մեջ կայունութեան ապահովման տեսանկիւնէ:

Հանդիպում Ֆրանսայի Դեսպանին Հետ

Հայաստանի պաշտպանության նախարար Դաիթ Տոնոյեան 29 Յուլիսին ընդունած է Հայաստանի մեջ Ֆրանսայի դեսպան Ճոնաթան Լաքրոթը: Հանդիպումի ընթացքին քննարկուած են երկկողմանի համագործակցութեան եւ շրջանային անվտանգութեան ընթացիկ խնդիրներ:

Ներկայացնելով հայ-ազրպէյճանական պետական սահմանին եւ Արցախ-ազրպէյճանական ուժերու շփման գիծին մեջ վերջին օրերուն տիրող իրավիճակը՝ պաշտպանության նախարարը կարեւոր նկատած է ԵԱՀԿ Մինսքի խմբակի համանախագահներ Ռուսիոյ, Միացեալ Նահանգներու եւ յատկապէս Ֆրանսայի՝ իբրեւ ՄԱԿ-ի Անվտանգութեան խորհուրդի, Եւրոպական Միութեան եւ ՕԹԱՆ-ի անդամ պետութեան դերակատարութիւնը լարուածութեան թուլացման եւ բանակցային գործընթացի շարունակութեան մեջ:

Նախարար Դաիթ Տոնոյեան՝ անդրադառնալով թուրք-ազրպէյճանական միացեալ զորավարժութիւններուն՝ նշած է, որ բուն ռազմական տեսանկիւնէն անոնց մարտավարական բնոյթը մտահոգիչ չէ, սակայն կարեւոր է, որ զորավարժութիւնները չվերածուին Հայաստանի Հանրապետութեան սահմաններու, պաշտպանական կառոյցներու եւ այլ ենթակառուցուածքներու անմիջական դրացնութեամբ սադրիչ գործողութիւններու:

Նախարար Դաիթ Տոնոյեան շեշտած է, որ հայկական կողմը ուշադիր պիտի հետեւի զորավարժութիւններու ընթացքին եւ հետագայ զարգացումներուն:

Դեսպան Ճոնաթան Լաքրոթ՝ վերահաստատելով Ֆրանսայի միջնորդական դերակատարութիւնը տագնապին բացառապէս խաղաղ լուծման գործին մեջ, իր կարգին բարձր գնահատած է այս ամբողջ ընթացքին Հայաստանի Հանրապետութեան մեջ տիրող ազգայնական շեշտադրումներէ եւ դրսեւորումներէ, ինչպէս նաև պատերազմական կոչերէ զերծ հաւասարակշիռ մթնոլորտը:

Մարսէյի Հայութիւնը Կը Մերժէ Ազրայէճանական Ոտնձգութիւնները Եւ Կը Զօրակցի Հայկական Բանակին

28 Յուլիսին, ՀՅԴ «Նոր սերունդ» երիտասարդական միութեան նախաձեռնութեամբ, Մարսէյի հայութիւնը բողոքի ցոյց կազմակերպեց Մարսէյի մէջ Թուրքիոյ հիւպատոսութեան դիմաց՝ ընդդէմ հայ-ազրայէճանական հիւսիսարեւելեան սահմանի Տաւուշի ուղղութեամբ կատարուող ազրայէճանական սադրանքներուն:

Յոյցին մասնակից մը «Ազդակ»-ին հաղորդեց, որ ներկայ էին մօտ 250 հայեր, որոնց շարքին՝ ՀՅԴ Բիւրոյի անդամ Սուրատ Փափագեան, Ֆրանսայի Կեդրոնական կոմիտէի անդամ Հրաչ Վարժապետեան, հայկական միութիւններու ներկայացուցիչներ, քահանայ հայր, երիտասարդներ եւ տարեցներ անխտիր, որոնք եկած էին մերժելու ազերիական եւ թրքական յարձակողական քաղաքականութիւնը, ինչպէս նաեւ իրենց ամբողջական զօրակցութիւնը յայտնելու հայկական գոյգ բանակներուն:

Ազգային երգերու սփռումով, հայկական իրաւունքներուն վերաբերող կարգախօսներ բարձրացնելով, Հայաստանի եւ Արցախի զօրակցող արտայայտութիւններով ցուցարարները ուղղուեցան դէպի թրքական դեսպանատուն, որ կը պաշտպանուէր տեղական ոստիկաններու խիտ շարքերով: Հետաքրքրական էր, որ ոչ մէկ թուրք կար դեսպանատան առջեւ:

Խօսք առին Սուրատ Փափագեան, Հրաչ Վարժապետեան, ինչպէս նաեւ «Նոր սերունդ»-ի ներկայացուցիչը՝ Յոլին Ճինեան: Անոնք դատապարտեցին Ազրայէճանի եւ անոր եղբայր Թուրքիոյ հայատեաց եւ յարձակողապաշտ քաղաքականութիւնն ու գործելաոճը՝ դիտել տալով, որ Թուրքիա կը շարունակէ աւելի քան դար մը առաջ սկսած իր նոյն ուղին եւ հրապարակայնօրէն կը յայտարարէ հայութեան դէմ սկսած գործը՝ սպանող կրկնելու իր կեցուածքը: Անոնք լուսարձակի տակ առին հայկական բանակին արձանագրած յաջողութիւնները՝ Ազրայէճանի կողմէ արձակուած աւելի քան 10 անօդաչու սարքեր վար առնել, սահմանին հսկել ամենայն բժախնդրութեամբ եւ այլն, ինչպէս նաեւ շեշտեցին, որ համայն հայութիւնը զօրավիգ է իր կեանքին գնով սահմանը պաշտպանող իւրաքանչիւր զինուորի: Խօսք առնողները հաստատեցին, որ հայութիւնը միասնականութեամբ կրնայ յաղթահարել ամէն մարտահրաւէր եւ տագնապ:

2 ժամ տեւած հաւաքէն ետք ցուցարարները հանդարտօրէն ցրուեցան:

«Առցանց Թէ Ֆիզիքական Ներկայութեամբ Ստեղծել Միջավայրեր, Ուր Արեւմտահայերէնը Կը Գործածուի Ինքնաբերաբար» Հաստատեց Դոկտ. Ռազմիկ Փանոսեան

«Ազդակ»-ի 14-րդ Առցանց Լսարան

«ԱԶԳԱՐԱՐ» ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՔՈՒԵՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

«Ազդակ»-ի 14-րդ առցանց լսարանի զեկուցողն էր «Գալուստ Կիլպենկեան» հիմնարկի Հայկական բաժանմունքի տնօրէն դոկտ. Ռազմիկ Փանոսեան, որ զեկուցեց «Արեւմտահայերէնի աշխատանքները եւ Լիբանանի ռազմավարութիւնը. սկզբունքներ, ծրագիրներ եւ մանկավարժական մօտեցումներ» նիւթին մասին:

Զեկուցումը կը բաղկանար երեք մասէ: Սկզբունքներ գլխուն տակ դասախօսը խօսեցաւ աշխատանքներու ազդեցիկ ըլլալու հրամայականին, հայերէնի եւ հայեցիի տարբերութեան, արեւմտահայերէնը մայրենի կամ երկրորդական լեզու դասելուն, համասփիւռքեան մօտեցումի անկարելիութեան, աշակերտակեղրոն ըլլալու եւ լեզուն հաճելի ու հրապուրիչ դարձնելու անհրաժեշտութեան մասին:



Ապա դոկտ. Փանոսեան կեղրոնացաւ Լիբանանի համար որդեգրուած ռազմավարութեան վրայ, ուր նկատի առնուած իբրեւ ընդհանուր կէտեր բանաձեւեց՝ կրթական կառոյցի բովանդակութեան պատրաստութեան, Միջին Արեւելքի մէջ գործունեայ մնալու կամ չմնալու, լեզուի կենսունակութեան ոչ յարատեւութեան, ռազմավարութեան պատրաստութեան նախորդած աշխատանքներուն եւ երկրի կայունութեան երեւոյթները:

Այս ծիրին մէջ ան հաստատեց լեզուի ժառանգական հանգամանքը եւ շեշտեց առցանց թէ ֆիզիքական առումներով լեզուի բնական եւ ինքնաբերաբար գործածութեան համար միջավայրեր ստեղծելու հրամայականը:

Ռազմավարութեան 5 հիմնասիւնները ներկայացնելով՝ դոկտ. Ռազմիկ Փանոսեան անդրադարձաւ Լիբանանի հայկական վարժարաններուն հետ գործակցութեան պատկերին, ուսուցչական ասպարեզին մէջ մասնագիտանալ փափաքող ուսանողներու կրթաթոշակներու կարելիութեան, արեւմտահայերէնի կենսունականացման համար տրուող օժանդակութիւններուն եւ ուսումնական յատուկ կարիքներ ունեցող աշակերտներուն համար կրթութիւն ապահովելու ծրագիրին:

Առաջադրանքը, ըստ «Գալուստ Կիլպենկեան»-ի Հայկական բաժանմունքի տնօրէնին, պիտի ըլլայ կրթական մարզը օժտել մասնագիտական եւ արհեստավարժ մարդուծով:

Դոկտ. Ռազմիկ Փանոսեան հաստատեց, որ յառաջիկայ տասնամեակին մարդուծի առումով պատրաստելը 200 հոգի, որոնց առաջնային գործը պիտի ըլլայ արեւմտահայերէնի զարգացումը, կարելի է համարել գլխաւոր առաջադրանք:

Բազմաթիւ երկիրներէ «Ազդակ»-ի առցանց լսարանին (գոր վարեց թերթի Էլեկտրոնային բաժնի աշխատակից Մինաս Հանս Քէհեան) մասնակցեցան 61 անձեր: Բազմաթիւ հարցումներ եւ տեսակէտներ յաջորդեցին տեղեկատուական եւ վերլուծական ընդգծումներ կատարող զեկուցումին:

هاي فود
HYE FOOD

بورق بالجبن
Cheese Beorag

كبة أقراص
Kebbeh Eras

مانتي
MANTE

سوبروك
Souberog

سمسك باللحم والأرز
SAMSAK WITH MEAT & RICE

سسك باللحم
SAMSAK

سجق
SUJUK

خبز بالتحمينة
Tahini Bread

هايت بقلاده
HYE BAKLAVA

ՄԻՐԵՒ՝ քուէյթսչսյեր
Այս տասը ճաշատեսակները կրնաք գնել սառած վիճակի մեջ, Ազգային Առաջնորդարանէն, ամէն օր ժամը 8:30-էն 1:30, բացի Կիրակի օրերէն:

ՄԻՋԱԶԳԱՅԻՆ

Իրանի Մէջ Հակահայ Ցոյցերու Ընթացքին Ձերբակալուած Են 15 Ազրայէյճանցիներ

Իրանի իշխանութիւնները խիստ կերպով ճնշած են երկրին մէջ հակահայ ցոյցեր կազմակերպած ազրայէյճանցիներու գործողութիւններուն՝ ձերբակալելով 15 ցուցարարներ: Այս մասին կը հաղորդէ ռուսական «Ինֆոթէքա 24» կայքը:

Ցոյցերը կազմակերպուած էին Թեհրանի մէջ Հայաստանի Հանրապետութեան դեսպանատան, Թարիզի մէջ Ազրայէյճանի գլխաւոր հիւպատոսութեան առջեւ, ինչպէս նաեւ Ուրմիա քաղաքի Աթա պողոտային մէջ:

Հակահայ ցոյցերը դադրեցուած են՝ ոստիկանութեան եւ Իրանի Յեղափոխութեան պահակազունի միջամտութեան իբրեւ արդիւնք:

«Պէտք է Ընդունինք «Քորոնա»-ին Հետ Գոյակցելու Գաղափարը, Անիկա Երկար Ժամանակ Մեզի Հետ Պիտի Մնայ» Տրանսայի Առողջապահութեան Նախարար

Տրանսայի առողջապահութեան նախարար Օլիվիէ Վերան նշեց, որ մարդիկ պէտք է ընդունին «Քորոնա»-ին հետ ապրիլ, որովհետեւ շուտով անհետանալիք չէ:

«Պէտք է ընդունինք «Քորոնա» ժահրին հետ գոյակցելու գաղափարը եւ այն, թէ համեմատաբար երկար ժամանակ պիտի մնայ մեզի հետ», հաստատեց ան:

«Թուրքիան Ազրայէյճանի Կողքին Է, Անկախ Անկէ Թէ Որոնք Կը Սպառնան Անոր՝ Հայաստանը, Թէ Ռուսիան» Կ'ըսէ Քալըն

Թուրքիոյ նախագահի բանբեր Իպրահիմ Քալըն «Մի.Էն.Էն. Թիւրք»-ին հետ հարցազրոյցի ընթացքին անդրադարձած է Ռուսիոյ եւ Թուրքիոյ նախագահներուն միջեւ վերջին հեռաձայնային զրոյցին:

Քալըն նշած է, որ հեռաձայնային զրոյցին ընթացքին նախագահները քննարկած են Հայաստան-Ազրայէյճան սահմանին վրայ լարուածութիւնը:

Հայաստանը բռնագրաւող կոչելով՝ ան յայտնած է. «Այստեղ բռնագրաւող կողմը Հայաստանն է: Մեր նախագահը մէկ օր առաջ այդ մասին յայտնած է Փութինին: Ան նաեւ ըսած

Է.«Օգտագործեցեք Հայաստանի հետ ձեր յարաբերությունները՝ այս լարուածութիւնը մեղմացնելու համար»:

Յիշեցնելով, որ Ռուսիան ռազմափորձեր կը կատարէ Հայաստանի հետ՝ Քալըն նշեց. «Ռուսիան ռազմափորձեր կը կատարէ: Մենք եւս միացեալ ռազմափորձեր պիտի ունենանք Ազրպէյճանի հետ: Դուք պայմանագիր ունիք Ազրպէյճանի հետ՝ զինուորական անվտանգութեան ոլորտին մէջ համագործակցութեան վերաբերող»:

«Մեր նախագահին մօտեցումը հետեւեալն է. անկախ անկէ, թէ որո՞նք կը սպառնան Ազրպէյճանին, ըլլայ ատիկա Հայաստանը, թէ Ռուսիան, Թուրքիան պիտի ըլլայ Ազրպէյճանի կողքին: Բայց եւ այնպէս, ասիկա չի նշանակեր դիւանագիտական ուղիներու փակում, այլ հակառակը: Եւ հեռաձայնային գրոյցը կը հաստատէ այս փաստը: Կրնամ ըսել, որ Փութինի հետ հեռաձայնային գրոյցը լաւ արդիւնք տուաւ»:

«Անոնք եկած են հետեւեալ համաձայնութեան. մենք միասին պիտի աշխատինք՝ միացեալ քայլերու ձեռնարկելով լարուածութիւնը նուազեցնելու համար, թող Թուրքիան եւ Ռուսիան երկու կողմերուն ներկայացնեն անհրաժեշտ առաջարկներ եւ կարելի եղածին չափ շուտ սկսին բանակցութիւններուն», նշած է Թուրքիոյ նախագահի բանբերը:

«Ֆրանսան Բոլոր Չանքերը Պիտի Ներդրէ՝ Ղարաբաղեան Տագնապի Քաղաքական Լուծման Համար» Կ'ըսէ Լը Տրքիան



Ֆրանսայի արտաքին գործոց նախարար Ժան Իվ լը Տրքիան երկրի խորհրդարանին մէջ իր արտասանած խօսքին ընթացքին յայտարարած է, թէ Ֆրանսան բոլոր ջանքերը պիտի ներդրէ Ղարաբաղեան տագնապի քաղաքական լուծման համար: Այս մասին կը հաղորդէ «Էլ.Մէ.Փէ.» թուիթըրեան հաշիւը:

Նախարարը նշած է, որ Հայաստան-Ազրպէյճան սահմանին վրայ արձանագրուած վերջին լարուածութիւնը մտահոգութիւն կը ստեղծէ, մանաւանդ որ բախումները տեղի ունեցած են ոչ թէ Արցախի, այլ Հայաստան-Ազրպէյճան սահմանին վրայ:

«Զինուորական լուծում չի կրնար ըլլալ: Պէտք է քաղաքական լուծում գտնել, եւ ես յոյսով եմ, որ կարելի պիտի ըլլայ ատիկա ընել», ըսած է Լը Տրքիան:

Ան նշած է, որ Ֆրանսան ԵԱՀԿ-ի Մինսքի խմբակի երեք համանախագահներէն մէկն է, որ կը զբաղի հակամարտութեան լուծմամբ:

ԱՆԴՐԱԴԱՐՁ

Որպեսզի Հիթլերեան Նախընթացը Չկրկնուի...

Ս. ՄԱՅՍԵՐԵՃԵԱՆ



Աշխարհի նորագոյն պատմութիւնը ուսումնասիրող ուսանողը, երբ կը հասնի Բ. Աշխարհամարտը կանխող տասնամեակներուն եւ կը սկսի սորվիլ կործանարար պատերազմին պատճառներուն ցանկը, կը հանդիպի հետեւեալ հաստատումներուն. Հիթլերի շղթայազերծած պատերազմը հետեւանք էր նա՛եւ այն վիճակին, որ կը տիրէր Եւրոպայի մէջ, Ա. Աշխարհամարտէն ետք: Հիթլեր կը ներկայացուի իբրեւ ծնունդը՝ պարտեալ


Գերմանիոյ ապրած յուսախաբութեան ու անոր պարտադրուած սանձումներուն. «Տիւիտեր»ը նոր դրօշակիրն էր գերմանական կայսրութիւն մը ստեղծելու նախորդներուն երազանքին, իսկ Եւրոպայի հզօրները տարիներ շարունակ հանդիսատեսի աչքով հետեւեցան անոր ծայրայեղական քայլերուն, ուժի վերակուտակումին եւ այլոց հանդէպ ոտնձգութիւններուն, աճող վտանգը տեսնելով հանդերձ՝ ձեռնաձալ մնացին, որովհետեւ, ի շարս ալ պատճառներու, յոգնած էին պատերազմելէ, չէին նախընտրէր լայնածիր նոր պատերազմի մը մէջ մտնել: Ուսանողը իր գիտելիքներուն վրայ կ'աւելցնէ նաեւ այն մեկնաբանութիւնը, թէ Եւրոպան եւ Գերմանիոյ հակադիր ուժերը եթէ զգաստ ըլլային ու աւելի կանուխ շարժէին Հիթլերի դէմ, աշխարհին հաւանաբար խնայուէր Բ. Աշխարհամարտը:

(Կան անշուշտ բազմաթիւ այլ բացատրութիւններ, մեկնաբանութիւններ, որոնց շարքին այն՝ որ կային Հիթլերի Գերմանիոյ հետ առեւտուր ընող-շահ ապահովողները...: Այս ու նման մեկնաբանութիւններ ձգենք այս փակագիծին մէջ):

Հիթլերի Գերմանիոյ հզօրացումն ու անոր հանդէպ կրաւորականութիւնը, անտարբերութիւնն ու գործնական քայլերու բացակայութիւնը որք պարագայ չէ աշխարհի պատմութեան մէջ, սակայն բաւականանանք անով, արձանագրելու համար մեր մտահոգութիւնը:

100 տարի առաջ, Մերի դաշնագիրով տարանջատումի ենթարկուած Օսմանեան կայսրութիւնը կաշխատի վերաձեւաւորել ինքզինք, նման Հիթլերի Գերմանիոյ: Մասնաւորաբար Էրտողանի իշխանութեան շրջանին, Թուրքիա միանգամընդմիջտ

մեկդի ձգած է նախորդներուն քողարկեալ տարագները: Թուրքիոյ ձեռքերը կ'երկարին անմիջական դրացիներէն շատ անդին, դէպի Ափրիկէ, արաբական աշխարհի ու Ասիոյ որոշ գօտիներ եւ, անուղղակիօրէն՝ դէպի Եւրոպա: Այս բոլորը տեղի կ'ունենան բռնատիրութիւններ եւ կայսրութիւններ մերժող աշխարհին բաց աչքերուն առջեւ: Թուրքիա ո՛չ միայն զինուորական միջամտութիւններ կ'ընէ հոս-հոն (քաջալերանք ալ կը ստանայ նման արկածախնդութիւններէ շահ ապահովողներէ), այլ նաեւ աչքերը տնկած է այլ շրջաններու վրայ, այն բարձրադասակ «արդարացումով», թէ այդ շրջանները մաս կազմած են Օսմանեան կայսրութեան: Աւելին, Թուրքիա լաւագոյնս կը շահագործէ գաղթականներու տագնապը՝ նիւթապէս կողոպտելու համար իր... դաշնակիցները՝ Եւրոպացի, ամերիկացի եւ... արաբ:



Օսմանեան կայսրութեան դաժան ժառանգութիւնը ծածուկ չէ: Եթէ մենք՝ հայերս կրած ենք ծանրագոյն հետեւանքները՝ Ցեղասպանութեան ենթարկուած ենք, այլ երկիրներ ու ժողովուրդներ, անկախ իրենց ազգային կամ կրօնական պատկանելիութենէն, առաւել կամ նուազ չափով ճաշակած են եաթաղանին համը:

Անցեալի ու այսօրուան այս իրականութիւններուն քաջածանօթ աշխարհը, մասնաւորաբար մենք՝ հայերս ու ճակատագրակիցներ՝ յոյն, կիպրացի, արաբ, քիւրտ եւ այլք, միասնաբար կանգնած ենք մարտահրաւերի մը դէմ յանդիման. կասեցնել Օսմանեան կայսրութեան ու համաթուրանական ծրագիրներուն ծաւալումը, աւելին՝ զսպել եւ իր չափին վերադարձնել Թուրքիան: Հիթլերի Գերմանիոյ հանդէպ ցուցաբերուած կրաւորականութիւնն ու անգործութիւնը աղէտ բերին: Էրտողանի յոխորտանքներուն իրականացումը նուազ աղէտալի պիտի չըլլայ: Նախաճաշակները կը կրենք նա՛եւ մենք, թուրք-ազերի անսքող գործակցութեամբ:

Ուրեմն, պէտք է արթննալ եւ գործի լծել պետական, դիւանագիտական, քաղաքական եւ կարելի բոլոր միջոցները, որպէսզի հիթլերեան նախընթացը չկրկնուի:

ՀԱՍՏԱՑ ՔԱՅԼԵՐՈՎ

Ինչպե՞ս Կրնանք Ուրախ Մնալ

Բոլորս ունինք երազներ: Ոմանք կ'երազեն ճամբորդել ու նոր վայրեր յայտնաբերել, ուրիշներ՝ տուն մը գնել, ամուսնանալ, աւելի դրամ վաստակիլ, թանկարժէք մեքենաներ ձեռք բերել, եւ այլն... Եթէ պատահի եւ ունենաք թանկարժէք ինքնաշարժ մը, թերեւս վերջին նորոյթ հեռախօս մը, շատ ուրախ պիտի զգանք, մէկ օր, մէկ շաբաթ, մէկ ամիս... Ետքը... Շատ հաւանաբար բնական պիտի թուի թանկարժէք ինքնաշարժ մը ունենալը, բայց զգո՛ւշ, ետ պիտի վերադառնանք նախքին ուրախութեան աստիճանին:



Ամերիկացի հանրայայտ հոգեբան՝ դոկտ. Սոնժա Լիուպոմիրսզիյի տեսութիւնը կը շեշտէ, թէ ուրախութեան զգացումը պահպանելու համար, այսինքն ընդհանրապէս մեր կեանքին մէջ ուրախ ըլլալու համար, ամենալաւ կերպը, օրուայ ընթացքին փոքրիկ պատահարներով զուարճանալն է: Որովհետեւ այդ փոքրիկ պատահարները ամենէն մեծ ազդեցութիւնը ունին մեր կեանքին վրայ: Առաւօտեան սուրճը, արեւածագը դիտել, համալուրկեր ուտելը, մայրամուտը վայելել, լաւ բարեկամի մը կամ ընտանիքի հետ հանդիպում ունենալը, շնիկիդ փաթելը, ինքնաշարժիդ յարմար կայանատեղին շուտ գտնելը, եւ այլն...

Այո, լաւ է մեծ երազներ իրականացնելը, բայց մի մոռնաք, ընդհանրապէս ուրախ ըլլալու համար պէտք է ըմբռնչինես առօրեայ կեանքի փոքրիկ հաճոյքները:

Այսօր գոյութիւն ունի «Դրական հոգեբանութիւն» անունով ուսումնասիրական աշխատութիւն մը: Դրական հոգեբանութիւնը ընդհանուր հոգեբանութեան մէկ բաժինն է, որ կը կեդրոնանայ զննելու, թէ ինչպէս կրնանք գործածել հոգեբանական տեսութիւնը եւ միջամտութիւնը մարդու վարուելակերպին դրական, յարմարողական, ստեղծագործական եւ լաւատեսութեան բաժինները հասկնալու համար:

Այս ճիւղն է նաեւ, որ կ'ուսումնասիրէ ինչպէս մարդիկ, նաեւ համայնքները կրնան բարգաւաճիլ ու ծաղկիլ:

Հոգեբան՝ Վարդ Յովակիմեան

WWW.AZTARAR.COM

ԱՅԼԱԶԱՆ

8 Պատճառ Երեխաներուն Ձեռքը Ելեկտրոնային Գործիք Չտալու

Ելեկտրոնային սարքերէ կախուածութիւնը դարուս մեծագոյն խնդիրներէն մէկն է: Այս կախուածութիւնը բացասաբար կ'ազդէ մանաւանդ երեխաներուն վրայ: Իսկ ամենացաւալին այն է, որ շատ մը ծնողներ իրենք կը քաջալերեն երեխաները՝ օգտագործելու ելեկտրոնային գործիքները՝ պարզապէս անոնց զանգաստները չլսելու եւ «անձնական հանգիստ»-ը ապահովելու համար:

Մինչդէռ կան լուրջ պատճառներ, ըստ որոնց, չի թոյլատրուիր մինչեւ 12 տարեկան երեխաներուն ձեռքը ելեկտրոնային սարքեր տալ:

Ստորեւ կը ներկայացնենք 8 համոզիչ պատճառները:

1-Տարիք



Մանկաբուժներու կարծիքով, 0-3 տարիքը շատ կարելոր է տեսողութեան զարգացման, խօսքի ձեւաւորման եւ երեխայի բառապաշարի զարգացման ու հարստացման համար: Մինչեւ 3 տարեկան երեխաներուն համար յատկապէս կարելոր է հնարաւորինս շատ խօսիլ ծնողներուն ու շրջապատին հետ, եւ ոչ թէ՛ մօր սմարթֆոնին հետ...

2-Կախուածութիւն

Ելեկտրոնային սարքերէ կախուածութիւնը կը սկսի շատ փոքր տարիքէն: Որքան որ ալ ծնողները իրենք զիրենք համոզեն ու արդարացնեն, որ այդ սարքերու օգտագործման

սահմանափակումներ ճշդած են, պիտի գայ օրը, երբ երեխան աւելին ու աւելին պիտի պահանջէ եւ պիտի չբաւարարուի ճշդուած ժամերով:

3-Վտանգաւոր Ճառագայթում

2011-ին Առողջապահութեան համաշխարհային կազմակերպութիւնը եւ Քաղցկեղի ուսումնասիրութեան միջազգային գործակալութիւնը բջիջային հեռախօսներու եւ անլար այլ սարքերու ռատիոճառագայթումը դասակարգուած են քաղցկեղ պատճառող ազդակներու շարքին:

4-Ուղեղի Բթացումը

Ամերիկեան լուրջ ուսումնասիրութիւններ կը հաստատեն, որ էլեկտրոնային սարքերուն առջեւ երկար ժամանակ անցընող երեխաներուն ուղեղը քառապատիկ ծանրաբեռնուած կ'ըլլայ պիտանի եւ ոչ պիտանի տեղեկութիւններով. հետեւաբար երեխաները դժուար թէ զանազանէն հիմնականը երկրորդականէն, եւ քիչ-քիչ անոնց մօտ կը նուազին կշռադատութեան եւ ինքնակարգաւորման ունակութիւնները:

5-Չարգացման Յապաղում

Գիտնականներու կարծիքով, աշխուժ կեանքը կը բարելաւէ ուշադրութիւնը եւ նորը ընկալելու ու իրացնելու ունակութիւնը: Անոնք կը պնդեն, որ էլեկտրոնային սարքերու գործածութիւնը կը վնասէ երեխաներու զարգացման եւ բացառաբար կ'ազդէ անոնց ուսումին, տրուած ըլլալով, որ անոնք ժամերով կը գամուին այդ սարքերուն առջեւ՝ կամաց-կամաց մոռնալով խաղը, վազքը, ցատկոտուքը եւ այլն...

6-Քունի Դժուարութիւն

Էլեկտրոնային սարքերու կապոյտ լուսարձակումը կ'արգիլէ երեխային բնական ձեռով քունի անցնելուն, ինչ որ պատճառ կը դառնայ անոր հանգիստի ժամերու կրճատման եւ անքնութեան:

7-Հոգեբանական Խանգարումներ

Համացանցային կախուածութիւնը, հոգեբաններու կարծիքով, հոգեբանական լուրջ հարցեր կրնայ ստեղծել երեխային մօտ՝ մեկուսացում, ինքնամփոփում, ընտանիքի անդամներուն եւ տարեկից երեխաներու հետ յարաբերելու դժուարութիւն եւ նոյնիսկ՝ ընկճախտ:

8-Իրականութենէն Անջատում

Շուէտական ուսումնասիրութիւն մը հաստատած է, որ իրենց մանկութիւնը բնական ապրող եւ էլեկտրոնային սարքեր քիչ օգտագործող երեխաները հետագային աւելի իրապաշտ եւ ինքնուրոյն մարդիկ կը դառնան, մինչդեռ համացանցային կախուածութիւն ունեցողները

«ԱԶԴԱՐԱՐ» ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՔՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

կ'անջատուին իրականութենէն եւ ապագային զանազան դժուարութիւններ կը դիմագրաւեն եւ յուսախաբութիւններ կ'ապրին:

Ելեկտրոնային սարքերը ժամանակակից կեանքի անբաժան մասն են: Պէտք է երեխային սորվեցնել անոնց ճիշդ օգտագործումը, բայց՝ ոչ շատ փոքր տարիքէն, եւ անշուշտ պէտք է սահմանափակել անոնց օգտագործման ժամանակահատուածը:

Փոքր տարիքին երեխան պէտք ունի խօսակիցի, իրեն հետ խաղացողի, իրեն պատմութիւն պատմողի, պտոյտի տանողի եւ ոչ թէ՛ ծնողքին սմարթֆոնին:

ՇԱՐԹՈՒԱՆ SUDOKU-Ն

		1						5
						8		6
9					1		7	
					2			
					7		5	
		5	4	3		9		
	1				3		8	2
		3		8		5		
4	9					3		

ՇԱՐԹՈՒԱՆ ՏԵՍԱՆԻԻԹԸ

Միբելի ընթերցող,

Այսու կը ներկայացնենք մեր նոր հրատարակութիւնը:

Նկատի ունենալով, որ բազմահազար տեսանիւթերու հրապարակումներ տեղի կ'ունենան շաբթուան ընթացքին, որոշեցինք պարբերաբար անդրադառնալ անոնց:

Ընդամենը ձեր խելացի հեռախօսներու տեսախցիկով կը նկարէք աջ կողմի քառանկիւսաձեւ կոստը (QR code) եւ կը դիտէք համապատասխան տեսանիւթը:



WWW.MAMUL.AM